

Канон Недели Шестой по Пасхе – о Слепом

Ирмосы, глас 5-й

Песнь 1. Зѣмлю, на нюже не возсія, ни ви́де со́лнце когда́,/ бѣздну, ю́же не ви́де на́гу, широта́ небѣсная,/ Изра́иль про́йде невла́жно, Го́споди,/ и ввел еси́ его́ в го́ру святы́ни Твоея́, // хва́ляща и пою́ща побѣдную песнь.

Песнь 3. Дви́жимое се́рдце мое́, Го́споди,/ волна́ми житѣйскими,/ утверди́, во приста́нице тѣхое // наставляя́ яко Бог.

Песнь 4. Услы́шах, Го́споди, слух Твой и убо́яхся,/ разумѣх смотре́ние Твое́ и просла́вих Тя, // еди́не Человеколю́бче.

Песнь 5. Ока́янную ду́шу мою́, ношеборю́щуюся со тьмо́ю страсте́й,/ предвари́в ущѣдри, и возсия́й мы́сленное со́лнце,/ днесвѣтлыя звезды́ во мне, // во е́же разделіти но́щь от свѣта.

Песнь 6. Я́коже проро́ка от зве́ря изба́вил еси́, Го́споди,/ и мене́ из глубины́ несодержи́мых страсте́й возведи́, молю́ся, // да приложу́ призре́ти ми ко хра́му свято́му Твоему́.

Песнь 7. Огня́ гаси́лице отроко́в моли́тва, ороша́ющая пещь,/ проповѣдница́ чудесе́, не опаля́ющи, ниже́ сожига́ющи, // песносло́вцы Бо́га оте́ц на́ших.

Песнь 8. Ангелов сонм, человеков собор,/ Царя́ и Зиждителя́ всех,/ священницы, по́йте, благослови́те, левити, // лю́дие, превозноси́те во вся ве́ки.

Песнь 9. Я́ко сотвори́ Тебе́ вели́чия Си́льный,/ Де́ву явль Тя чи́сту по рождестве́,/ я́ко ро́ждшую без се́мене Своего́ Творца́, // тем Тя, Богоро́дице, велича́ем.

Тропарь Воскресный, глас 5

**Собезначальное Слово Отцу и Духови,/ от Девы рождающееся
на Спасение наше,/ воспойм, вернии, и поклонимся,
яко благоволи Плотию взыти на Крест,/ и смерть претерпети,
и воскресити умершия// славным воскресением Своим.**

Кондак о Слепом, глас 4

**Душевыми очима ослеплен,/ к Тебе, Христе, прихожду,
якоже слепый от рождения,/ покаянием зову Ти:// Ты сущих
во тьме Свет пресветлый.**